



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**ANALYSIS|| FIDEI CA=||THOLICAE,||**

**Valencia, Gregorio de**

**Ingolstadii, 1585**

**VD16 V 55**

Scriptvram Sacram Non Esse Iudicem omnium controuersiarum fidei.

[urn:nbn:de:hbz:466:1-47934](#)

cessorum serie ad posteros transmissa) continetur, ut in  
frā quoque suis locis docebimus. Sed neque Scriptura  
sacra, neque etiam sola traditio (si ab ea separet præsen-  
tem in Ecclesia auctoritatem infallibilem; sic enim de  
traditione nunc loquimur) est illa auctoritas infallibilis  
magistra fidei & iudex in omnibus quæstionibus. Talis  
igitur auctoritas non est propria alicuius vel aliquorum  
hominum vita defunctorum. Quod si exstat tamen ali-  
qua talis humana auctoritas, vt probatum est; neque ve-  
rò ea est illorum hominum propria, qui iam præterie-  
runt; restat, vt viuat semper inter fideles præsens, quem  
admodum in assertione nostra positum est. Confirmem-  
us singula. Ac primùm eiusmodi auctoritatem sola  
Scriptura sacra, vt hæretici perperam sentiunt, non con-  
tineri, sequentia argumenta persuadere debent.

*SCRIPTVRAM SACRAM NON ESSE IV.  
dicem omnium controversiarum fidei.*

*PROBATIO I.*

*Parte III.*

**P**RIMÒ. Sententia eius auctoritatis, cuius de rebus  
omnibus fidei iudicium est, apertam oportet esse, vt  
ab omnibus fidelibus commodè possit intelligi. Nam si  
non ita perspicuè & planè auctoritas illa doceat, non ad  
eam rem valebit, cuius causa (vt suprà probauimus) di-  
uinitus instituta est; nempe vt omnes, nisi nimium velint  
esse cæci, facile cognoscere possint, quid ex fide credere  
debeant, & quid tanquam fidei contrarium repudiare.  
Quomodo enim conscientia acquiescat, aut in animum  
aliquis inducet certò & absque vlla hæsitatione id cre-  
dere, quod scire clarè ipse non possit ab aliqua auctoritate  
proponi & tradi quam sibi persuadeat esse infallibilem?  
Iam verò sententia Scripturæ de maximis etiam fiduci  
quæstionibus, ita obscura & difficilis ad intelligendum  
est,

est, vt homines etiam benè literati, nedum vulgares fi-  
deles, in eiusinquisitione facillimè hallucinentur ab ea-  
qué aberrent.

Id, quia hæretici omnes pertinaciter negant, demon-  
strandum iam diligenter est. Quod rectius fieri, si primùm  
cōstiterit, quo sensu & quare Scripturam obscuram esse  
affirmemus. Ita enim, & ipsas vias quasi obstruemus Ad-  
uersariis, quibus illi in hac re arbitrantur, se posse subter-  
fugere. Cūm enim Scripturam obscuram esse dicimus,  
non vitium aliquod in doctrina ipsa diuinitus tradita in-  
esse sentimus, sed maiestatem atque altitudinem potius  
ciusmodi <sup>a</sup> sapientia & scientia Dei, & imbecillitatem in-  
genij nostri profitemur. Nam hoc significat, eam obscu-  
ram esse, difficeret nobis illam intelligi posse; quoniam  
& ipsa diuino ac singulari suo quodam modo conscri-  
pta est, & nos multis rebus atque adminiculis indigemus,  
vt eius sententiam a sequamur; atque adeò multis etiam  
modis in ea re impedimur. Quod totum, inquit præclarè  
D. Augustinus, diuinitus prouisum esse non dubito ad edoman-  
dam labore superbiam, & intellectum à fastidio renocandum, cui  
facile inuestigata plerumq; vilescent. Nec dissimilem ratio-  
nem, cur Scriptura sit obscura, reddidit Clemens Ale-  
xandrinus.

Fatemurigitur ante omnia, & concedimus aduersa-  
riis, hominum vel infirmitate, vel etiam vitio accidere,  
vt Scriptura non intelligatur. Sed vicissim ab ipsis postu-  
lamus, vt, quia tolli hac in vita nequit illa infirmitas, &  
difficillimè vitari hoc vitium ab hominibus potest; no-  
biscum etiam agnoscant & fateantur, Scripturam solam  
qua vix à paucis recte intelligi potest, non esse commu-  
nem illam fidelium omnium regulam & magistrum, à  
qua in quæstionibus fidei doceri posse infallibiliter oēs

L 3 oportet.

Scripturā esse  
obscurā, et quo-  
modo id a Ca-  
tholici affer-  
tur, nec a secta-  
riis, sīdintel-  
ligant, negari  
posse.

<sup>a</sup> Roman. II.

Lib. 2. de doct.  
Christ. cap. 6.

Lib. 6. Strom.  
non admodū  
longè à fine.

Coguntur Secta-  
rii ipsi confiteri  
Scripturam ob-  
scuram esse.

oportet. Quæ enim fidei regula communis hominibus ipsis est proposita: eam prorsus oportet ex parte in primis ipsorum hominum esse cognit u facilem, atque adeò per spicuam: Siquidem tota eorum ad vsum accommodata esse debet. At Scripturam, ex parte saltē conditionis hominum, obscuram & difficilem esse, ita certum est, vt sint etiam impudentes Sectarij si negent. I. Etenim ipsi etiam intelligunt, vim dictionis cognosci debere, qua vel primū est ipsa doctrina sacra mandata literis, vel certe deinde in aliam linguam benè versa. Hoc, quod minimum est: tamen non omnes fideles recte nouerunt. II. Scientiam quoque rerum ipsarum, & sensus in Scripturis exercitatos, ad Scripturarum intelligentiam requiri, negari non potest. Ideò enim sit, vt etiam inter eos, qui verborum cuiusq; linguae, omnisq; Grammaticæ benè periti sint, difficillimè tamen de Scripturarum sensu in maximis rebus conueniat. Cui rei ipsi sunt argumen-  
to Sectarij. Sunt enim ex Caluinistis & Lutheranis non pauci Caluinistæ & Lutherani bilingues imò trilingues Grammatici. Et tamen quì de maximis fidei rebus, Lutheranis cum Caluinistis, imò ipsis etiam tum Lutheranis, tum Caluinistis inter se (dum omnes sola Scriptura niti volunt) conueniat, nouit iam satis orbis Christianus, quin etiam norunt Turcæ & Ethnici. Non igitur Grammaticæ tantùm, sed rerum in primis doctore ad Scripturam intelligentiam opus est. Quod profectò censuit Augustinus, cùm ita scripsit ad Honoratum: Teren-  
tianum Maurum, sine magistro attingere non auderes: Aspi, Cornutus, Donatus, & ali innumerabiles requiruntur, vt quilibet Poëta posset intelligi: Tu in eos libros, qui sancti diuinorumq; rerum plenipropè totius generis humani confessione dif-  
famantur, sine duce irruis, & de his sine præceptore audes fert senten-

*Ad Scripturā  
intelligendam  
quā multa  
requirantur:  
indō illas in-  
telligenda dif-  
ficultatem exi-  
bere.*

*Scientiam rerū  
magis quam  
linguarum ad  
Scripturarum  
intelligentiam  
requira.*

*Lib. de utilit.  
cred. cap. 7.*

sententiam? Nec dissimilis Diui Hieronymi oratio est, quam, quia notissima est, breuitatis cauſa prætereo. Iam quoquisque idoneum Scripturarum præceptorem vel querit, vel inuenit, vel recte intelligit, vt Scripturæ genuinam sententiam assequatur? III. Sed neq; historiam multarum rerum artesq; liberales quasdam ignorare oportet; quarum ignoratione fit sæpe, vt aberret aliquis à vero Scripturæ sensu, quemadmodum D. Augustinus diligenter notat, & res ipsa docet. IIII. Ratio quoque omnis tenenda rectæ fidei est, vt eius ubique analogiam videre, & ad eam exigere Scripturæ sententias difficiliores possis. In qua re magno sanè indicio, quod paucis contingit, & dexteritate magna opus est. V. Et quoniam in maleuolum animam non intrabit sapientia, purgandus etiam est animus, ne coeno vitiorum obruta atque excæcata mens videre in Scriptura non possit lumen veritatis. Quod Diuo etiam Augustino, quantumuis magno & perspicaci ingenio esset prædictus, tum accidebat, cùm adhuc erat inquinatus peccatis. *Institui*, inquit, *animum intendere in Scripturas sanctas*, ut viderem quales essent. Et ecce video rem non compertam superbis, nec nudatam pueris: sed incessu humilem, successa excelsam, & velatam mysteriis. Et non eram ego talis, ut intrare ad eam possem. Nam illa erat, quæ cresceret cum parvulis. Sed ego indignabar esse parvulus, & fastu turgidus mibi grandis esse videbar. An vero nullius difficultatis res est, ab hoc tumore vitiorum vacuum esse, eorumque fuligine velatum cor, instar Iudorum, non habere, sed humilem fieri ac docilem discipulum, ad huiusmodi Spiritus sancti disciplinam capessendam? VI. Quid autem precatio ad Deum pro sapientiae interpretationisq; Scripturæ dono? An exigua difficultas est, & piè & perseueranter illud cum eodem

In epist. ad  
Paulin. *In Jacob. vi.*  
Si tantus propheta David  
temperie ignorante am-  
bitus, qui nos patres par-  
vulos et primi tabernac-  
lifices nunc circuncisisti.

Vide potissi-  
mum lib. 2. de  
doctr. Christ.  
cap. 1. 6. & 29.  
& 31. & 36. &  
37. & 40.

Sap. 1.

Lib. 3. confess.  
cap. 5.

Augu-

Lib. II. confess.  
cap. 2.  
P. & D. Augu-  
stini proptel-  
ligentia Scri-  
pturarum ad  
Deum prece-  
tio.

Augustino orare: Domine attende, & miserere mei. Domine Deus meus, lux cæcorum, & virtus infirmorum. Largire spa-  
cium meditationibus nostris in abdita legis tua, neg, aduersu-  
pulsantes cludas eam. Neg, enim frustra scribere voluisti tot  
paginarum opaca secreta. Et aliquibus interpositis. Vide,  
inquit, Pater, & affice, & vide, & approba, & placeat in con-  
spectu misericordie tue inuenire me gratiam ante te; ut aperi-  
rantur pulsanti mibi interiora sermonum tuorum. Obsecro per  
Dominum nostrum Iesum Christum Filium tuum, in quo sunt  
omnes thesauri sapientiae & scientiae absconditi. Ipsum quare in  
libris tuis, &c. VII. Sed ex omnibus, quæ ad intelligentiam Scripturarum necessaria sunt, illud est difficillimum,  
quod tamen magno sanè errore Aduersarij putant omne  
remouere Scripturæ obscuritatem. Aiunt enim, difficiliores Scripturæ locos ex aliis clarioribus, qui sunt ea-  
dem de re, interpretandos esse. Quod & nos fatemur. Sic  
enim & Augustinus præcipit, & passim præter Augusti-  
num alij Patres docent, ac vñ exemploque suo confir-  
mant. Sed difficillimum tamen esse assertimus, huiusmo-  
di locorum collationem ita instituere, vt quem locum

Lib. 2. de doct.  
Christia. cap.  
25. & 26.

Scripturarum  
collationem nō  
penitus remo-  
nere difficulta-  
tem in illis in-  
tellendis.

tu putas clariorem esse, id eoq; ex eo alium locum inter-  
pretandum, is reuera sit clarior, & non cōtra potius ob-  
scerior: ex quo idcirco nō alterum interpretari, sed cum  
ex altero sit necesse. Ut enim quis in Scriptura ipsa, & in  
cognitione locorum Theologicorum, magis aut minus  
versatus est, atque etiam vt magis aut minus perspicax,  
& in indagando diligens, sic magis aut minus rationes vi-  
det, cur hic sensus potius quam alias huic loco subiici  
debeat. Ita fit, vt qui locus in vno sensu alteri clarus vi-  
detur, alteri videatur obscurus: eaque varietas facit, vt  
facillimum sit, quemadmodum diximus, in huiusmodi  
collatione locorum Scripturæ falli atque errare: dum

non

non obscurus reuera locus ex claro, sed clarus (si rationes omnes latentes & circumstantes considerantur) ex obscuro peruersè exponitur.

Cuius rei, cùm multa & vetera, & recentia etiam exempla ex nostrorum temporum controvërsiis proferri possint, ego breuitatis caussa vnum aut alterum ponam, vt Lector contempletur Labyrinthum errorum, in quo, propter hanc suam Scripturæ collationem, versantur Sectarij, & versabuntur perpetuò, nisi redeant ad saniorum mentem. Quæstio est, vtrum concupiscentia in iis qui gratiam sunt adepti in Baptismo, sit peccatum veri nominis, damnatione etiam dignum. Affirmant omnes Sectarij. Quia quod in persona iustificati hominis Paulus ait, <sup>a</sup> Habitare in se peccatum; putant habere illum sensum clarum, quem illico verba superficietens exhibet, nempe concupisendi facultatem seu appetitum esse peccatum. Itaque ex hoc loco interpretantur alios eiusdem Apostoli, vbi contraria negat, vllum remanere peccatum, in iis, quos affirmat <sup>b</sup> ablutos & <sup>c</sup> sanctificatos esse in Baptismo. Dicunt enim sensum esse, non quod in mundi prorsus facti sint & immunes à peccato, sed quod peccatum quo aliqui inquinati sunt, non imputetur ipsis ad peccatum. Falluntur autem in hac Scripturarum collatione. Quoniam locos clariores male interpretantur ex obscuro. Demôstrant enim certissimè Catholici, sensum eius, quod Apostolus inquit, habitare in se peccatum, non esse illum prima facie clarum, quem falsò putant Aduersarij, nempe reuera concupiscentiam peccatum esse. Hoc enim & naturæ ipsi diuinæ gratiæ repugnat, quæ cum peccato mortali stare nullo modo potest, & aliis etiâ innumeris Scripturæ locis, ex quibus constat per gratiam ita aboleri penitus peccata, vt nihil in ipso homine insit

M.                   damna-

Exempli offere-  
ditur in Scri-  
pturarum col-  
latione facilis-  
me errari pos-  
se, atque adeo  
errare ipsos Se-  
ctarios.

Exempl. I.

a Roman. 7.

b 1. Cor. 6.  
c Ibidem. Idem  
ad Rom. 6. &  
8. & alias sa-  
pc.

d Roman. 8.

<sup>d</sup> damnationis, id est, damnatione dignum. Docent igitur iidem Catholici alium quendam illi Apostoli loco subiici sensum obscurum, videlicet, concupiscentiam & ex peccato prouenisse, & ad peccatum inclinare, ideoque appellari ibi ab Apostolo peccatum: sicut etiam ipsum Christum <sup>e</sup> peccatum alibi impropriè appellat, quia fuit hostia pro peccato: & Adam <sup>f</sup> Euam similiter os appellavit, quia ex osse existisset. Proinde non ex eo Apostoli loco, tanquam ex claro, illi alij loci, qui gratia emundari penitus hominem à peccatis manifestissimè docent, exponendi perperam erant: Sed ex iis potius locis, tāquam claris, illius alterius loci sensus obscurior (quem indicaimus) colligi ab Aduersariis debuit.

Exempl. II.

Item quæstio est, utrum quilibet possit ac debeat certò credere se iam esse receptum in gratiam diuinam. Affirmant etiam cuncti Sectarij: quamuis ego quidem nūquam mihi persuadere potero, ullum esse cordatum hominem inter illos, qui sibi omnino ita certò persuadeat: cuius rei alio in loco manifestissimas rationes reddidi. Sed affirmant tamen ita credendum esse, licet minimè ipsi credant. Cùm autem obicitur illis testimonium Apostoli clarum in persona hominis iustificati, dicentis: *Nihil mihi conscient sum, sed non in hoc iustificatus sum;* conferunt hunc locum cum illo alio eiusdem Apostoli: *Ideo ex fide(iustificatio) ut secundum gratiam firma sit promissa.* Quoniam autem putant significasse hīc Apostolum, gratiam per fidem solam idèo apprehendi, ut quilibet, non ex bonis animi sui motibus aut recta conscientia, sed ex promissione diuina per fidem certò possit sibi persuadere quòd gratiam sit consequutus; interpretantur, non negauisse Apostolum in illo alio loco, quin sciret omnino atque adeò, quin sciat qui uisius uetus, in cuius persona tunc loque-

In disputat. de  
gratia, & de  
différenia vet.  
& nouæ legis.

g 1. Cor. 4.

h Roman. 4.

loquebatur, se esse iustificatum: Sed negauisse tantum, id  
scire ex bona sua conscientia. Decepti verò sunt in ea  
collatione turpissimè. Nam vt aliud non esset, tamen  
antithesis certè, quæ continuò sequitur in verbis Apo- 1. Corinth. 4.  
stoli, declarat, eum (in persona quidem hominis iustifi-  
cati) omnino negauisse se vel ex promissione diuina, vel  
aliunde, secundum legem Dei ordinariam, scire in præ-  
sentia num esset iustificatus. Subiungit enim: *Qui autem  
iudicat me, Dominus est. Ita q[uod] nolite ante tempus iudicare, quo-  
ad usq[ue] veniat Dominus, qui & illuminabit abscondita tenebra-  
rum & manifestabit occulta cordium, & tunc laus erit unicui-  
que à Domino.* Cùm Dominum solum esse affirmat, qui  
num aliquis iustificatus sit, sciat; de eaque re ante tem-  
pus illud extreum, à nobis certò judicium fieri vetat;  
nónne omnino negat, in præsentia quemquam hoc de-  
se certò scire aliqua ordinaria via? Aliter igitur debuï-  
sent h[ic] insituere collationem Sectarij; & vel ex hoc lo-  
co potius intelligere, sensum illius alterius loci, vbi Apo-  
stolus ait; idèò ex fide hominem iustificari, vt secundum  
gratiam firma sit promissio, non esse, quod per fidem  
iustificemur, vt ex promissione sola possimus certò sci-  
re nos esse iustificatos. Negat enim absolutè Aposto-  
lus, hoc à nobis sciri ante nouissimum tempus ordiná-  
riovo llo modo posse. Sed docet, idèò nos gratis, absque  
merito nostrorum operum, per fidem, & alios nimirū  
animi rectos motus, caritatis & pœnitentiae (qui cum si-  
deviua coniuncti sunt) iustitiam & gratiam consequi,  
quoniam oportet certò diuinam promissionem imple-  
ri, quæ fuit prorsus talis; scilicet vt eo modo gratis iusti-  
ficaremur absque nostro merito; quemadmodum sic  
etiam Abraham iustificatus est coram Deo. Hæc ibi tan-  
tum Apostoli sententia est, neque quidquam de vana

In disputat de illa istorum persuasione h̄ic agit: vt ex disputatione & in  
vera & falsa differētia vet, stituto Apostoli in ea epistola , alibi quoque probauimus.  
& nou. legis.

Notum etiam est , Sacramentarios h̄ereticos idcirco errare , quoniam Scripturæ locos, qui sunt de Christi  
Matth. 26.

discessu ex hoc mundo, non ex hoc claro loco; *Hoc est corpus meum*, sicut oportet, interpretantur (ita scilicet, vt de  
discessu tantum & absentia Christi secundum modum ordinariū atque visibilem eos locos intelligi necesse  
sit) sed hunc peruersè ex illis malè intellectis. Vnde fit, vt dum prae*tum illi* tum etiam Lutherani panistæ collationem instituunt, plures quām octoginta interpretationes differentes plenasque vanitatis paucissimis illis  
Christi verbis; *Hoc est corpus meum*, adhibeant, ne vel praesentiam corporis Christi in Eucharistia, vel conuersiōnem panis in illud fateantur. Quæ profectò varietas clarissimo argumento est, hos omnes, quantumlibet Scripturæ collationem iactent, à proprio illorum Christi verborum sensu longissimè aberrare.

*Quomodo Scripturarum col. lato possit, quandoq; intelligenda Scriptura difficultate difficultatem augusat.* Atque vt uno verbo dicam, in omni fidei quæstione, quæ in vtramque partem ex Scripturis agiterū; proposita quacunq; collatione Scripturæ, semper porro quæstio esse poterit, uter potius locus ad sensum alterius accommodandus sit ex eoquæ interpretandus? Ita sit, vt collatio non finiat ipsa & absoluat difficultatem quæstionis de sensu Scripturæ, sed plerumque etiam augeat. Huc accedit, quod non modò facillimè contingit error in iudicando, an hic locus per illum exponi debeat; cùm vtrumque constat de eadem re loqui; sed etiam in discernendo, an id ipsum, quod in collatione sumitur, verum sit, scilicet vtrumque locum de una eademq; re loqui. Quandoque enim idem in Scriptura verbum & eadem

dem ferè phrasis ad significandas res diuersas accommo-  
datur, vt admonuit etiam Diuus Augustinus. Quod quia  
nuper quidam Sectarius, Lutheri discipulus, non ani-  
maduertit; ineptè voluit per Scripturæ scilicet collatio-  
nem ostendere, oblationem mundam, de qua vaticinatus  
est Malachias, non aliud sacrificij genus in Ecclesia esse,  
nisi Euangelij prædicationem, quam etiam Apostolus  
per similitudinem oblationem vocat. Rectè autem Diuus  
Augustinus: Non putemus, inquit, esse præscriptum, ut quod in  
aliquo loco res aliqua per similitudinem significauerit, hoc eam  
semper significare credamus. Sed errorem istiusmodi colla-  
tionis in alio<sup>b</sup> loco redarguimus. Et omnes disputatio-  
nes, quæ nobis intercedunt cum istis, plenissimæ sunt e-  
xemplis similibus, in quibus appareat variis vbiq; errori-  
bus Aduersarios esse implicatos, propter Scripturæ col-  
lationes à se sinistrè institutas.

Nunc quæ exempla huius rei adduximus, non tam  
adduximus, vt in illis quæstionibus eos errasse ostende-  
remus, id enim aliorum est locorum, quām vt (quod iam  
agimus) euinceremus, eos facillimè certè, dum sola Scri-  
pturarum collatione nitivolunt, sic errare potuisse. Ex  
quo intelligi debet, non quidem eorum esse leuiores  
culpam in errando (quis enim eos Scripturis solis quæ-  
stiones fidei velle definire cogit?) sed Scripturam profe-  
ctò esse ad intelligendum difficilem: quandoquidem in  
eius interpretatione collatio locorum, in qua facillimè  
erratur, negligenda non est, & alia multa adminicula an-  
tēnumerata ad eam rem requiruntur, ex quibus aliqua  
in plerisque hominibus sæpe desiderantur. Neq; sanè ab  
hoc proposito aliena obseruatio est, quod cùm præter  
ea, quæ diximus, quasdam etiam peculiares regulas ad  
Scripturam intelligendā vtile, Augustinus ex quodam

M 3 Tyco-

Lib. 2. de doct.  
Christ. cap. 24.  
25. 26.  
Herbrandus  
contra noctū  
de sacrificio  
Missæ tractatū  
Malach. 3.  
Rom. 15.  
Lib. 2. de doct.  
Christ. cap. 24.

<sup>b</sup> In Apolog.  
de sacrificio  
Missæ, cap. 4.

Lib. 2. de doct.  
Christ. cap. 29.  
& seq.

<sup>6</sup> Ibid. cap 30. Tyconio commemorâset: tamen quosdam dicit tales esse Scripturæ locos, vt ad eorum sensum inueniendum vix illa eiusmodi regularum satis esse, imò ne seruire quidem possit.

*Scripturam ob-  
scuram esse suo  
fatis exemplo  
confirmant Se-  
& arq.*

Quod si needum ista omnia satis Aduersariis probant, difficulter Scripturæ sensum intelligi posse; vel domesticis tandem eius rei argumentis experientiaque propria moueantur. Nam si Scriptura difficultis non est, quid sibi vult inter ipsos, in tam multis tamque grauibus fideli quæstionibus de Scripturæ sensu tanta dissensio? Cur Calviniani Lutheranis, & Lutherani Calvinianis (vt capita tantum ipsa sectarum, variè porro inter se disseparum, nominem) non persuadent rem claram? An literas nesciunt? An locos nō conferunt? An à Deo, qui dat omnibus affluerter, sapientiam non postulant? Eligant igitur hīc quod maluerint, alterutrumque fateantur, aut Scripturam esse difficultem: aut se insanire, quòd inter eos de clarissimo minimeque difficulti Scripturæ sensu conuenire non possit.

Sed audiamus Scripturam ipsam de se loquentem, num eam facilitatem sibi tribuat quam ei isti quasi per vim obtrudere, contra sensum, contra experientiam, & suam & alienam, conantur. Non autem noua adferant sed vetera hac de re Scripturæ testimonia, cùm sint optima, repetam, vt ea magis confirmem. In quo genere clarissimum certè testimonium est illud D. Petri, qui testatur, quædam esse in epistolis D. Pauli difficultia intellectu. Quæ, inquit, indocti homines & instabiles sicut & cæteras Scripturas, deprauant ad suam ipsorum perditionem. Cùm dicit, illa D. Pauli, sicut & Scripturas cæteras, deprauari à peruersis, certè Scripturas etiam cæteras magna ex parte similiter esse difficultes indicat. Nam propter difficultatem utique cæteræ

*Scripturam i-  
psam sus obcu-  
raret testari,  
confirmatur  
aduersus Secta-  
riorum canili-  
tationes.  
2. Pet. 3.*

cæteræ quoque Scripturæ deprauantur, sicut & illa de Pauli epistolis. Neque verò D. Petrum latebat, quid vale-  
re posset ad Scripturæ intelligentiam collatio locorum:  
& tamen ea re non obstante, pronunciat simpliciter,  
Scripturam intellectu esse difficultem: ac ideo facile de-  
prauiari posse.

Nota.

Kembitius in  
exam. Sess. 4.  
Concil. Trid.

Et planè falsum ac ineptum etiam est, quod quidam Lutheri discipulus, ut hoc testimonium eludat, hic com-  
miniscitur. Respondeo, inquit, Petrus non dicit, epistolas Pauli ita esse conscriptas, vt difficultate & obscuritate sua Lectoribus præbeant occasionem ad perditionem. Vtitur enim articulo non foeminino sed neutro: signifi-  
cans, res ipsas de quibus Paulus loquitur, quia positæ sunt longè supra & extra omnem conspectum rationis, non posse rectè intelligi ab hominibus carnalibus, sed opus esse illuminatione Spiritus sancti.] Haec tenus ille Luthe-  
ranus. Quem adeò non est Deus passus hac interpreta-  
tionis vanitate Lectorem decipere, ut ad eam clarissimè refellendam ipsius etiam ore sit usus. Subiungit enim iste illico: Vtitur autem Petrus (inquit) verbo valde em-  
phatico σεβλόσι (id est, detorquent) quod à torturis sum-  
ptum est. Sicut enim adhibitis tormentis sæpe de inno-  
centibus habentur quæstiones vt aliquid aliud quam res  
habet, pro affectu torquentium, ab illis exprimatur: ita  
Petrus dicit Scripturæ quasi tormenta adhiberi, quibus à  
genuina, simplici & aperta sententia distorqueatur, vt il-  
lud nobis loquatur quod ante lectionem præsumpsimus  
intelligendum, vt Hilarius loquitur.] Haec tenus etiam  
iste. Ex cuius hac postrema oratione tale contra com-  
mentiam illam expositionem ipsius conficitur firmum  
ac evidens argumentum: D. Petrus ea in epistolis D. Pauli  
dicit esse intellectu difficultia, quorum item ait significa-  
tionem

Diuñ Petrum  
non ipsas res  
tantum quas  
trahit Paulus,  
sed etiam modū  
quo illustra-

*Et hoc est illi-  
us Scripturam  
pronunciare  
esse difficultem.*

tionem deprauari ab indoctis hominibus: ut scilicet aliud illa nobis loquantur & significant, quam res habet: sicut iste Lutheranus ex verbi Græci interpretatione non malè colligit, & ex ipsa sententia & oratione D. Petri est perspicuum. Nunc ita subsumo: Illa quæ secundum significationem isto modo deprauantur, non sunt res ipsæ significatae à Paulo (non enim propriè res ipsæ loquuntur nobis & significant) sed loci & partes scriptarum epistoliarum à Paulo. Igitur illa quæ D. Petrus affirmat esse difficultia intellectu in epistolis Pauli, non sunt propriè res ipsæ à Paulo significatae, sed ipsius Scripturæ Paulinæ loci & partes. Nihil profectò potest euidentius concludi.

*a. Cor. 3.*

#### NOTA.

*Isai. 29.*

*Ezech. 2.*

*Homil. 9. in  
Ezech.*

Iam velamen, quod ipse Paulus affirmat, usque in hdiernum diem, cum legitur Moses, esse positum supra cor Iudeorum: profectò textum (ut ita dicam) bona ex parte est ex difficultate Scripturarum illarum. Hoc enim, ut antea monuimus, est Scripturam esse difficultem, eiusmodicam esse, & tam multa, ut illa intelligatur, requiri, ut proclue fuerit Iudeis, & sit aliis omnibus, non percipere veram eius sententiam. Quod quia dare nobis coguntur, velint, nolint, Sectarij: rectè ac necessariò inde concludimus, communem illam regulam & magistrum fidei, quam necesse est, esse propositam fidelibus omnibus, non esse Scripturam: cum non sit cognitu facilis ipsiis hominibus, ut antè quoque argumentati sumus.

Huc & illud Isai. pertinet: *Erit vobis visio omnium, sicut verba libri signati quem cum dederint homini scienti literas, & dicent, lege istum, respondebit non possum. Signatus est enim. Atque etiam obscuritatem Scripturæ D. Gregorio Magno rectè significauit liber ille inuolutus, quem de manu Domini Propheta Ezechiel accepit. Liber inuolutus, inquit, Gregorius, est Scriptura sacra eloquium obscurum, quod profun-*

profunditate sententiarum inuolutur, ut non facile sensu omnium penetretur. Quocirca & Eunuchus ille, de quo D. Lucas in Actis, cùm Scripturam legeret, ab eo quæ Philippus percontaretur, Putas ne intelligis quæ legi? Quomodo possum, inquit, nisi quis doceat me? Tum illud eleganter (vt iam alios Patres præteream) Clemens Alexandrinus: David, inquit, dicit, Tenebrosa aqua in nubibus aëris; à fulgore coram ipso nubes transferunt grando & carbones ignis, abditos esse docens sanctos sermones.

Et tamen dicitur Scriptura <sup>d</sup> lucerna pedibus nostris, & lumen nostris semitis, <sup>e</sup> cui benè faciamus attendentest tanquam lucerna lucenti in caliginoso loco, &c. Hæc verissima sunt omnia. Sed est in primis etiam videndum, vbi nam collocata esse oporteat hanc lucernam doctrinæ diuinæ, vt ipsi lumen eius videatur, & eo dirigere gressus nostros possimus. Quid enim si lucernam aliquam ponas sub modio? Certè lucebit ibi nihilominus ipsa & ardebit, & lumen retinebit suum: sed non etiam ibi te illuminabit, nisi eam colloces in idoneo loco. Concedimus igitur pari modo, sacras literas, quæ diuinæ doctrinæ continent lumen, tanquam lucernam esse per se ipsam splendidissimam semper, atque fulgentissimam. Sed nobis tamen considerandum est, quomodo sit hoc lumen non in se modo *lucidum*, verum etiam (vt regius Propheta dicit) *illuminans oculos*? Nunquid qua ratione unusquisque ingenij proprij atque industriae suæ finibus illud tanquam modio quodam exiguo comprehendit? Minime verò: sed quatenus est diuinitus in Ecclesiæ Catholicæ auctoritate tanquam in candelabro positum, ut luceat omnibus qui in domo sunt. Hanc enim Ecclesiæ auctoritatem, docebimus postea suoloco, esse in vniuersum iudicem atque magistrum fidei viuam: quæ idcirco necesse est, ut lumen illud fidei,

N.                   quod

*Qua ratione  
Scriptura lumen  
sit & lucerna.  
& tamen ad in-  
telligendum  
difficilis.  
d Psal. 11:8.  
e 2. Pet. 1.  
Responsio ad  
principia testis-  
monia quibus  
abutuntur Se-  
culari, & probet  
Scripturam esse  
facilem.*

*Scriptura lucer-  
na ponunt sub-  
modo qui illu-  
sus sententiam  
non ex Ecclesiæ  
auctoritate di-  
scere volant.  
Matth 5.*

quod in diuinis literis splendor, præferat ipsa atq; ostendat omnibus qui ad eam aggregantur, in eaque manent, licet in cruditi sint alioqui, nec valcent ipsi per se lumen illud, vt in ipsis literis sanctis tanquam in lucerna continetur, aspicere.

Lib. 7. in Luc.  
cap. 51.

Lue. 15.

*Quid sit Scri-  
ptura lumen in  
abscondito vel  
sub modo po-  
nere: quod fa-  
ciunt Sacerdoti.*

Matth. 24.

Quam rem bene mihi ac subtiliter D. Ambrosius attigisse videtur, cum docuit, Christum, ut fidem nostram Ecclesiæ Catholicæ accommodaremus, oratione illa hortari. *Nemo, inquit, accendit lucernam & in abscondito ponit, neque sub modo sed super candelabrum, ut qui ingredin- tur, lumen videant.* Quid autem aliud fuisset, Scripturam non alicui communi auctoritati infallibili interpretan- dam commendare, sed vnicuique priuato ex quo com- mittere; quid, inquam, hoc aliud fuisset quam accensam lucernam in abscondito ponere? In abscondito enim, Scripturæ lumen poni est, ea illud ratione ac modo pro- poni quo non possit neque debeat lucere omnibus qui sunt in Ecclesiæ domo. Non potest autem aut non debet certè Scripturæ fidei que lumen sic lucere aliis omnibus, ab hisque recipi, quomodo lucet vni aut alteri priuato, quicunque ille sit tandem & quantum cumque in inda- ganda Scripturæ sententia laborârit. Nam cur alii non liceat illi anteponere parem auctoritatem iudicij etiam sui? Cur non possint putare illum ex iis esse, qui priuato spiritu dicunt: *Ecce hic, ecce illuc Christus:* à quibus, vt dili- gentissime nobis caueremus, Magister noster Christus præcipit? Errant igitur vehementer Aduersarij, cum Scri- pturam esse lucidam lucernam, ac illuminare nos, idem esse existimant, quod eam non egere Ecclesiæ communi aliqua atque infallibili auctoritate, ut certos nos faciat defidi dogmatibus. Lucet enim & illuminat, sed super candelabrum Ecclesiæ constituta, ut est explicatum.

Quod

Quod si eam sub modio ingenij tui tegere atque comprehendere velis; ipsa quidem lucida per se nihilominus est, & simul tamen, ut haec tenus est probatum, tibi est obscurus: sicut esset alia lucerna quævis sub modio.

At, si maximè (inquiunt) de questionibus fidei subtillioribus quædam tradat Scriptura obscurius: tamen ex articulis fidei necessariis, quos satis est ad salutem credere, nullus est, qui non alicubi in Scriptura clarissimè docetur. Hac erroris sui defensione cùm vtruntur Aduersarij, profectò declarant se non satis animaduertisse, quibus modis fiat, vt ad salutem necessary sit credere aliquam fidei veritatem. Fit autem hoc bifarium. Vno modo, quoniam absolute & simpliciter necessary est, vt veritatem hanc aut illam fidei nostris & credas. Altero modo, quia cùm omnis infidelitas diuinitus sit prohibita, non licet tibi sine iactura salutis, credere aliquem errorem ulli veritati fidei contrarium: Vnde fit, vt et si aliquam fidei veritatem absolute non necessary habeas nosse & credere: sub conditione tamen debeas illam & credere & nosse. Nam si contingat tibi proponi eiusmodi veritatem fidei, atque ei contrarium errorum; & alterutri assensum præbaturus sis: necessary tibi ad salutem est, vt veritati fidei assentias, non contrario errori.

Priori modo, scilicet absolute & simpliciter, paucorum admodum veritatum fides & cognitio omnibus fidibus ad salutem necessaria est. Posteriori autem modo, scilicet, sub illa conditione, ut contrarij caueantur errores; omnes omnino fidei sententiæ ac veritates, cùm quibus pugnare possint aliqui contrarij errores, sunt omnibus hominibus necessary credendæ ad salutem. Nemo enim est, cui liceat amplecti aliquem contrarium fidei errorum: quin (vt supra probatum est) omnes prouersus

*Simile.*

*Nesciunt Se-  
ctari quatenus  
necessarium ad  
salutem sit ali-  
quid credere:  
idq; dupliciter  
accider.*

1.

2.

*Confutatur e-  
videnter quod  
Sectarij dicunt  
id est Scriptura  
omnibus satis  
esse quia in illa  
clarer tradatur  
paucis illi articu-  
culi quos creden-  
tia esse fit ad  
salutem.*

*Lib. 2 de doct.  
Christ. cap. 9.*

*illos vel maxi-  
mè Scriptura  
locos, ex quibus  
sunt heres es-  
confutande, ob-  
scuros esse.*

*In Psal. 67.*

& singuli mandato diuino iubentur quemuis errorem atque hæresim repudiare ciue anteponere vera fidei sententiam. Iam quæ fidei veritates priori modo, scilicet absolutè & simpliciter, ab omnibus hominibus necessariò cognoscendæ & credendæ sunt, vt & fide & spe & caritate ad beatitudinem contendere valeant; eas non diffitemur perspicuè ferè in Scripturis ipsis doceri, vt Augustinus etiam notauit. Sunt enim illæ & paucæ, & communissimæ, nec notitiam requirunt vsque adeò distinctam & expressam, modo aliquali ratione non falsa in mente concipientur. Atque huīus quidem generis sententiæ sunt comprehensæ in Apostolorum symbolo. Veritates autem aliæ propè infinitæ, quæ posteriori modo (scilicet sub conditione, vt contrarij quique errores caueantur) ab omnibus fidelibus credi debent; ipsi Adversarij coguntur fateri, & euidenter haec enus est probatum, maiori ex parte contineri in Scripturis obscurè. Itaque & illos Scripturæ locos, ex quibus oportet hæreses refutare, obscuros esse scripsit D. Augustinus. Multi, inquit, sensus Scripturarum sanctorum latent: & paucis intelligentioribus noti sunt: nec afferuntur commodius & acceptabilius, nisi cum respondendi hæreticis cura compellit.

Huiusmodi verò locorum Scripturæ obscuritas, in his rebus difficilioribus, caput est probationis nostre, qua necessariò euincimus, Scripturam non esse illam communem regulam & quasi magistrum, à qua possint fides omnes sufficienter doceri; vt in omnibus fidei questionibus veritatem amplectantur & errorem repudient. Nam cùm omnes mandato diuino debeant quo sunque errores contrarios fidei cauere; & ea tenus quibus sunque etiam fidei veritatibus (vt expositum est) assentiri; certè facere hoc, secundum diuinam prouidentiam, omnes possunt:

possunt: licet casu contingere possit, interdum aliquos in ea re à peccato excusari. Quomodo verò præstare id omnes poterunt, nisi communis illa regula diuinitus proposita, clarè & perspicuè & accōmodatè ad captum omnium de quæstionibus ac r̄ebus fidei quibuscunq; definiat? Hoc autem Scriptura non facit, vt ostensum est, & ipsi etiam inuiti agnoscunt Sectarij. Quare perspicuum est, nihil proficere Aduersarios nec argumentationis nostræ vim vlo modo infirmare, cùm dicunt, Scripturam de iis rebus fidei, quæ sunt necessariæ, clarā doctrinam tradere. Omnes enim res fidei uno quodam modo necessariæ sunt, vt exposui: & proinde de omnibus perspicue Scripturam docere oporteret, si esset ipsa fidei Iudex communisq; illa regula.

Huc accedit quod illos ipsos Scripturæ locos, qui continent articulos fidei simpliciter necessarios, non nisi quadam cum distinctione concedi debet esse omnes perspicuos. Duobus enim modis intelligi, atque dici potest, locum Scripturæ aliquem esse clarum. Vno modo, quia ipse locus certè, si per se spectetur, proprio, plano, & aperro sermone constat, neque vlo genere figuratae dictionis inuoluitur. Atque hoc quidem pacto illi loci, qui continent fidei articulos absolutè necessarios perspicui ferè sunt, vt ex sententia D. Augustini exposuimus. Quemadmodum contrà, per se etiam obscuri dici possunt illi ferè Scripturæ loci, qui constant ex figurato sermone. Quanquam & horum tamen locorum sententia ferè etiam exposita reperiatur in aliis quibusdam Scripturæ locis, qui sunt per se quidem clari, hoc est, plano ac proprio sermone scripti. Quod rectè notauit D. Augustinus cùm dixit: *Nihil ferè de illis obscuritatibus figurati sermonis erit, quod non planissimè dictum alibi reperiatur.* Ibi

*Quod aliqui loci  
Scripturæ  
sunt clari, quo-  
modo intel-  
lendum.*

*Lib. 2. de doct.  
Christia, c. 6.*

N 3            enim

*Quo sensu D.  
Augustinus scri-  
perit, atque  
in Scriptura  
planissime dicit  
quod autem dicuntur  
obscure.*

*Matth. 26.*

*1. Ioan. 5.*

*a Probatione  
III.  
b Lib. 2. de nu-  
ptiis & con-  
cup. c. 31.  
Responso ad ca-  
lumniā Secta-  
riorū, qui obi-  
cint Scripturā  
stānū accusa-  
rē à Catholicis,  
scutolam abha-  
reticis accusa-  
batur.  
c Lib. 3. cap. 2.*

enim ipse Augustinus explicat id dici *planissimis verbis*, quod *sine similitudinis adminiculo* dicitur. Altero modo dici posset locus aliquis Scripturæ clarus, non modo si per se ipse consideretur, sed etiam si consideretur cum relatione ad locos alios, cum quibus & benè & malè conferri possit. Atque hoc quidem modo quām paucissimi, imò vix aliqui loci, etiam ex iis, qui & planè scripti sunt, & articulos simpliciter necessarios continent, clari & perspicui censeri possunt: quin propemodum omnes illi, ob humani quidem ingenij vel imbecillitatem, vel peruersitatē (vt suprà exposuimus) sunt obscuri. Etenim, si ad verba ipsa rationemque dicendi spectemus, quis plainer & clarior videri possit locus, quām ille: *Hoc est orpus meum?* Aut quām ille de diuinitate Christi: *Hic est verus Deus.* Et tamen collatio cum locis aliis quām plurimas de genuina ciuitatim generis locorum sententia patit controversias. Quæ controversiæ tam variae ac multiplices an non evidenti argumento sunt, esse etiam eiusmodi Scripturæ locos, si cum relatione ad alios considerentur, difficiles ipsis quidem hominibus ad intelligendum atque obscuros? Hæc igitur obscuritas Scripturæ, quæ ex relatione potissimum atque collatione locorum existit, ob quam etiam locis per se quidem planissimis & clarissimis, hæretici facilimè aburuntur (vt <sup>a</sup> postea quoque docebimus ex <sup>b</sup> Augustino) fundamentum est nostræ probationis firmissimum.

Sed enim hoc loco, cùm à Scripturæ difficultatibus probamus, non esse eam sufficientem omnium quæstiōnum fidei iudicem, ad modum impudenter Sectarij nobis obiiciunt, similiter nos facere atque hæreticos illos, quos D. Irenæus his <sup>c</sup> verbis redarguit: *Cum ex Scripturā, inquit, redarguuntur, in accusationem convertuntur ipsarum Scriptu-*

Scripturarum, quasi non **R E C T E** habeant, neque sint ex **A V C T O R I T A T E**, & quia varie sint dictæ, & quia non possit ex his inueniri veritas ab iis qui nesciant traditionem. Considerandum autem est, qua ratione D. Irenæus aduersus eiusmodi hæreticos pugnandum esse, tum putabat, & quomodo etiam illi in accusationem conuertebantur Scripturarum: quod in ipsis iure ac merito Diuus Irenæus accusauit. Nempe Irenæus Scripturæ testimoniis hæreticos illos (Gnosticos) reuincedos arbitrabatur, non ut quisque Scripturam, per ipsam Scripturam solam, intelligentiam aurumat, sed ut ab Ecclesia in primis intelligitur, ex viua etiam Apostolorum traditione, quæ fideliter custodiatur ab Apostolorum legitimis successoribus: quemadmodum statim ex ipsomet Irenæo audiemus. Contrà vero hæretici illi aduersus Scripturæ sententiam ex Apostolica traditione ab Ecclesia ipsa certissimè propositam, commentitiis suistantum modò traditionibus, nulla Ecclesiarum auctoritate commendatis, nitebantur. Atque hic contendebant, immerito ac perperam ipsis Scripturas illas obiici: non enim eas habere alioquin certam auctoritatem, & varie esse dictas, neque posse ex illis eliciti veritatem sine adminiculo suarum illarum commentiarum traditionum.

Hanc impudentiam quin rectè Diuus Irenæus taxaverit, dubium esse non debet. Etenim posteaquam Ecclesia sententiam aliquam ex Scriptura colligit, Scripturamq; proinde, ut est à se secundum Apostolicam traditionem intellecta, contrariis erroribus opponit; summa improbitas est, aliquid præterea in eiusmodi Scripturæ vel auctoritate, vel interpretatione, quo cumq; id fiat siue difficultatis siue obscuritatis prætextu, desiderare. Quæ enim Scriptura per auctoritatem Ecclesiæ commendata

Postquam locum  
Scripturæ ali-  
quis ab Ecclesia

*explicatur est,  
fas nō esse illius  
obscuritatem ad  
erroris defensio-  
nē causari.*

mendatur explicaturq; ea iam hoc ipso & maximè est authentica, & splendidissimè clarissimeque lucet, tanquam lucerna videlicet (vt suprà exponebamus) posita super candelabrum. Num verò cum ea, quam Irenæus h̄ic incusat, hæreticorum veterum in Scripturis ipsis accusandis petulantia, quidquam est commune Catholi- cis propterea quod sentiunt, Scripturam, si perse & ex se quidem sola, semoto Ecclesiæ lumine, quo ipsa illustratur, consideretur, difficultem ad intelligendum eatenusq; obscuram esse? Nónne eiusmodi alioquā intelligendæ Scripturæ difficultas in causa est, quam ob rem hæreticis omnibus proclive sit, suis etiam figmentis (vt <sup>b</sup> ostendit luculenter idem Irenæus) Scripturas accommodare, illaq; etiam paliare ipso sacrosancto Euangelij nomine? Quid quod ipsi potius Sectarij eodem planè modo in accusationem hodie conuertuntur Scripturarum, quem in Gnosticis illis hæreticis Irenæus h̄ic notauit? Etenim quas Scripturas manifestas eorum erroribus opponit Ecclesia, eas dicunt vel non esse ex auctoritate (vt quæ affruntur ex lib. Machab. & ex epistola Iuda, &c.) vel non re- dēita habere sicut ab Ecclesia explicantur, nec posse ex his inueniri veritatem ab iis, qui nesciant Lutheranam traditionem. Quanta igitur Sectariorum impudentia hæc est, eum nobis Irenæi locum obiicere, in quo nihil minus quam nostra de Scripturæ difficultatibus senten- tia, sed ipsorū potius Sectariorum in sanctas Scripturas crimen iustissimè vituperatur?

Sed ne hanc à nobis Diui Irenæi sententiæ explica- tionem pro arbitrio nostro, non ex ipsis mente Irenæi, proponi, Sectarij suo more cauillari possint, age, quæ illi hæreticorum accusationi eodem in loco Diuus Irenæus opponit, audiamus: *Cum autem, inquit, ad eam iterum (id est,*

*In illo cap. 2.  
lib. 3.*

est, præter Scripturam) traditionem, qua est ab Apostolis, quæ per successiones presbyterorum in Ecclesiis custoditur, prouocamus eos, aduersantur traditioni, dicentes, se non solum presbyteris, sed etiæ Apostolis existentes sapientiores inuenisse veritatem: se indubitate, & incontaminatae, & sincere (dicas, Lutheranum aliquem, vel Calvinistam, loqui) absconditum scire mysterium. Euenit itaq., nego, SCRIPTVRIS iam, neque TRADITIONI consentire eos. Vides, SCRIPTVRAS, & TRADITIONEM in Ecclesiis præter Scripturas, per successionem presbyterorum custoditam? Vides, quemadmodum Irenæus ad Scripturam, in disputatione contra hæreticos, traditionem quoque adhibendam, & ex ea Scripturam interpretandam, atq; ita demum aduersus hæreticos Scripturam vrgendam, existimauerit? Vides denique Irenæum non nisi illos hæreticos accusare, qui Scripturam, postea quam est ab Ecclesia (hoc est, ab eo fidelium cœtu qui solus pro Ecclesia Christi in orbe sit agnitus) explicata, tanquam dubiam atque incertam incusat? Sed quia de probatione prima, ab obscuritate Scripturæ sumpta, satis, ut arbitror, ad errorem Aduersariorum redargendum, qui Scripturam solam de fide iudicare volunt, dictum est, alia etiam argumenta subiungemus, quibus item assertio nostra confirmetur.

SIT IGITVR hæc secunda probatio. Si maximè Scriptura sententia vbiique esset clara: tamen quædam de fide quæstiones & fuerunt aliquando, & esse poslunt, quæ sola Scriptura definiri nullo modo valent. Non est igitur Scriptura sola, illa auctoritas, quam inquirimus, diuidandi quæstiones fidei omnes. Id probatur, quoniam fieri potest, ut in dubium vertatur auctoritas ipsa tota & doctrina alicuius vel aliquorum librorum sacre Scriptu-

PROBATIO  
II. quid Scriptura non sit sufficientis fides regulæ.

Nō omnesque fiducies fides posse terminari per Scripturam.

O ræ;

ræ; an scilicet in vniuersum à Deo reuelata sit. Hæc autem controuersia ex Scriptura aut raro aut nunquam dirimi poterit. Itaque alia regula opus erit, quæ non modò iudicet de sensu Scripturæ, sed omnino de Scripturæ auctoritate: num sit diuina, quæ proinde contineat sententiam fidei. Scribit Eusebius, Simonidem fuisse quendam hæreticum, qui libros nescio quos prophetarum, præter eos, qui in sacro volumine sunt, comminiscetur. Eorum vnum Barchabam: alterum Barcham nominauisse. Hanc opinionem quomodo Scripturæ tantum testimonio refelleres? Item sanctus Augustinus auctor est, nonnullos omnia reieccisse Euangelia. Neque defuerunt, teste etiam Eusebio, quibus omnes epistolæ Divi Pauli in vniuersum improbarentur. De multis quoque aliis libris sæpe fuit in Ecclesia disputatum, an Canonici essent, cum vel tales aliqui falsò à quibusdam esse negarentur, vel importunè alij, ementito nomine Apostolorum, fidelibus obtruderentur. Quæ controuersia omnes non potuerunt Scripturæ solius auctoritate definiti in Ecclesia.

Itaque non modò falsa, sed admodum etiam frigida atque inepta Caluini sententia est, quum scribit, haud difficilius Scripturam Canonicam à non Canonica per se ipsam dignosci discerni; posse, atque album à nigro, frigidum à calido, dulce ab amaro. Hoc si ita est, quomodo magis controuerti possit, an hic liber aut ille sit Scriptura Canonica, quam vtrum ignis sit calidus, & aqua frigida; aut amarum fel, & mél dulce? Num verò ipsa de se tota nominatim, Scriptura loquitur? aut illius in ea locus est, vbi Caluinus aut alius quispiam ex Sectariis legerit, singulos illos atq; omnes libros nominatim, qui sine controuersia sacri atq; Canonici sunt, esse à Spiritu san-

*Lib. 44. histo.  
cap. 8.*

*Li. 2. Retract.  
cap. 16.*

*Lib. 5. histo.  
cap. 27.  
Lege Ioann.  
Dried lib. 1 de  
Script. & Ca-  
num lib. 2. de  
locis Theo-  
log.*

*b Lib. 1. instit.  
cap. 7.  
Incepit Cal-  
uini comen-  
tum deratione  
discernendi Scr-  
pturam Cano-  
nicam à nō Ca-  
nonica.*

sænto dictatos? Cur igitur doctrinam illam in eis libris contentam, diuinam esse credunt, si nihil arbitrantur certa fide credi oportere, quod ex ipsa Scriptura non dicerint?

Quod si aliam præter Scripturam necesse est esse infallibilem fidei regulam, quæ doceat id quod in fide est maximum, nempe Scripturæ ipsam doctrinam esse in vniuersum diuinam: profectò est insania non credere, illam ipsam regulam infallibiliter item docere quæ sit sententia eiusmodi diuinæ doctrinæ. Simile namq; illud est, quod præclarè in primisq; sapienter scriptum est à Diuo Augustino; *Cur, inquit, non apud eos potissimum* (loquitur de Ecclesia Catholica) *diligenterè requiram quid Christus præcepit, quorum auctoritate commotus, Christum aliquid præcepisse iam credidi? Tu ne mihi melius expositurus es, quid ille dixerit, quem fuisse aut esse non putarem, si abs te mihi hoc commendaretur esse credendum?* Quæ igitur, inquit, ista tanta dementia est? Illis crede Christo esse credendum: & à nobis disce quid dixerit? Multò facilius mibi persuaderem Christo non esse credendum, quam de illo quidquam nisi ab iis per quos ei credidem, discendum. Hæc ibi diuinè prorsus Augustinus.

Quæ nos similiter Lutheranis & Caluinianis hominibus, ut ille tunc Manichæis, pro Ecclesiæ Catholicæ auctoritate, quam esse fidei magistrum post ostendemus, dicere possumus. Agite enim vosseu Lutherani seu Caluiniani Sectarij: Cur non apud Ecclesiam Catholicam potissimum requiremus quid Deus omnino in libris sacris docuerit, cuius auctoritate commoti credidimus, Deum aliquid omnino docuisse in iis libris? Vos ne melius quam Ecclesia Catholica, exponetis nobis, quid in Scripturis Deus dixerit, quem nec dixisse omnino in Scripturis aliquid, nisi hoc Ecclesia docuisset, crederemus?

O 2. Et

*Non posse secundum  
dum Sectarios  
certò credi, Scri-  
pturam quam  
habemus, esse  
Canonicam.*

*Pernieritas Se-  
ctariorū quod  
abea Ecclesia  
nolint disce,  
qua sit senten-  
cia Scriptura, à  
qua coguntur  
disce aliquā  
omnino esse  
Scripturam.  
Id quāta sit ca-  
cias obéditur  
ex Augustino.  
e Lib. de utilit.  
cred. cap. 14.*

NOTA.

Et quæ isthæc insanæ est: Ecclesiæ crede, Deo in Scripturis loquenti esse credendum, & à nobis potius, qui Scripturam rectius quām Ecclesia intelligimus, quid in eis Deus dixerit, disce. Ego verò, ut ex Augustini mente atq; sensu loquar, vehementer admiror, cur non multò facilius sibi persuadeant, qui Caluino, aut Lutherò credunt, Scripturæ diuinæ nihil omnino esse credendum, quām ex ea quidquam, nisi ab Ecclesia per quam ei crediderunt, esse discendum. Quanquam hic tandem multorum exitus miserrimus est, ut nec Scripturæ ipsi credant, postquam Ecclesiæ quam Scriptura cōmendat, & à qua ipsos etiam Scripturam discere atq; accipere oportuit, non credunt.

Sed Ecclesiæ in fide docenda auctoritatem postea in proprio loco asseremus. Nunc quia Scriptura sola de precipuis fidei quæstionibus, & in primis ad salutem necessariis, quæ scilicet de auctoritate sunt ipsius Scripturæ, nihil, ne obscurè quidem, definit: rectè concludimus, non ipsam esse iudicem sufficientem ac regulam illam generalem in omnibus controversiis fidei, quam inquirimus. Huc accedit, quod ne de aliis quidem multis fidei dogmatibus peculiaribus, quæ certissimè credi debent, Scriptura ipsa docet. Quod non meis, sed Augustini verbis breuiter indicabo, ut minus possint repugnare Aduerarij; Credo, inquit, consuetudinem non rebaptizandi hereticos ex Apostolica auctoritate venire: sicut MVLTA non inueniuntur in literis eorum, neg. in Conciliis posteriorum: & tamen quia custodiuntur per uniuersam Ecclesiam, nō nisi ab ipsis tradita & commendata creduntur. Sic ille. Item alibi: Patrem, inquit, in sacris libris nusquam ingenitum legimus, & tamen dicendum esse defenditur. Item: Da, inquit, testimonia, ubi adoratur Spiritus sanctus. Quasi non ex iis quæ legimus, aliqua etiam

*Quedam esse  
fides dogmata,  
qua Scriptura  
ipsa nō docet.*

*Lib. 2. de Bapt.  
contra Dona-  
tist. cap. 7.*

*Epist. 174. sub  
initium.*

*Lib. 3. contra  
Maximin. Ar-  
rian. c. 3.*

etiam quæ non legimus intelligamus. Sed ne querere multa compellat: tu ubi legisti, Patrem Deum ingenitum vel innatum? & tamen verum est. Item: Multa sunt, quæ vniuersa tenet Ecclesia, & ob hoc Apostolis præcepta benè creduntur, quanquam scripta non reperiantur. Hæc ille. Atq; vt alia exempla præteream. Nullus Christianus est, qui perpetuam beatissimæ Dei matris virginitatem contra blasphemiam Helvidij (vt in libro de Ecclesiasticis dogmatibus appellatur) non putet sibi esse credendam. Et tamen ex Scriptura certè non hoc dogma satis probabitur.

Quæ cùm ita sint, necesse est vt aliter, atque intelligunt Aduersarij, interpretetur locum illum D. Pauli: *Omnis d<sup>r</sup> Scriptura diuinitus inspirata utilis est ad docendum, &c. vt perfectus sit homo Dei ad omne opus bonum instrutus.* Sententiam enim huius loci esse volunt, Scripturā ipsam solam sine adminiculo alterius regulæ omnia docere, quæ ad rectam fidem, atq; ad absolutam Christiani hominis perfectionem sint necessaria. Quia in re magnopère, vt in aliis omnibus decipiuntur. Nam ibi Apostolus, non Scripturam solam sufficientem esse, vt perfectus sit homo Dei, dicit, sed simpliciter ad eam rem affirmit Scripturam quidem valere. Hoc autem duobus modis intelligi potest. Primo, quasi ipsa Scriptura immediatè omnia tradat. Hoc minimè vult Apostolus. Secundo, quoniam Scriptura, quæ sunt credenda & facienda aut ipsa tradit, aut certè auctoritatem, à qua illa peti debent, nobis monstrat commendatq;. Hoc modo Apostolus vult, & Orthodoxi etiam sentiunt, Scripturam contineare, quæ ad salutem sunt necessaria. Ita fit, vt præter Scripturam suus etiam maneat alicui alteri auctoritati in controversiis fidei locus. Quod profectò <sup>a</sup>D. Augustinus intellexit, cùm ita scripsit: *Scripturarum à nobis tenetur*

Lib. 5. de Bapt. contra Don. cap. 23.

Cap. 67.

*Responso ad D. Paulis testimoniū, quo potissimum facere voluit Scripturā solam ad sermīnandas omnes de religione cōtrouersias sufficeret.*  
d 2. Tim. 3.

*Qua ratione dicit posuisse Scripturam docere omnia quæ sunt ad salutem necessaria.*

*Lib. 1. contra Crescon. Grammaticū, c. 23.*

O 3 veri-

veritas cum id facimus, quod uniuersitate placuit Ecclesiae, quam ipsarum Scripturarum commendat auctoritas: Ut quoniam sancta Scriptura fallere non potest, quisquis falli metuit obscuritate questionis, eandem Ecclesiam de illa consulat, quam sine villa ambiguitate sancta Scriptura DEMONSTRAT.

*Quomodo item  
Patres sentiat  
ea solum esse  
certa, que probantur ex Scri-  
ptura.*

*Lib. de Spiritu  
sancto, c. 29.*

*b. I. Cor. II.*

*PROBATIO  
III.*

Simili modo Patres, cum vni Scripturæ omnia tribuere videntur, intelligi debent. Non enim eorum mens est à Scripturæ auctoritate, ubi de fide iudicandum est, auctoritatem Ecclesiae, quæ item ipsa diuina est, diuellere. Sed quemadmodum, quando vni personæ diuina aliqua perfectio diuinitatis absoluta tribuitur, intelligunt Theologi, ab eius perfectionis communione creaturas tantum excludi, non autem personas alias diuinas, quæ sunt eiusdem naturæ: ita sancti Patres, sicuti Scripturæ auctoritatem solam ad fidei quæstiones finiendas valere significant; Ecclesiae certè auctoritatem, quam item pro diuina habent, minimè excludunt, sed alia tantum siue testimonia, siue argumēta quæ sint tantum humana. Nam si non ita inteligerent: profectò nunquam illi in controversiis fidei ipsa per se auctoritate Ecclesiastice traditionis ad probandum vterentur. At & vtuntur ea ipsi frequentissimè, ut infra quoq; suo loco videbimus, & vtendum esse docent. Quo in genere præter Augustini testimonia, quæ paulò ante allegauimus, illustris etiam illa D. Basilij oratio est: Plurima, inquit, mysticatra Scripturam inter nos versantur. Et Apostolicum arbitrio esse, etiam in non scriptis traditionibus perseverare. <sup>b</sup> Laudato enim, inquit Apostolus, vos, quod omnia mea meministis, & quemadmodum tradidi vobis traditiones continetis, &c. Ita Magnus Basilius.

**T**ERTIA probatio. Regula quæ ad iudicandas omnes fidei quæstiones diuinitus est instituta, proculdubio accom-

accommodatissima est ad cognoscendos & cauendos errores omnes fiduci contrarios. Nam ad eam rem talis aliqua regula diuinitus est proposita: vt homines ad illam iudicium suum conforment, atque ita repudiatis erroribus rectam fidem complecti tenereque possint. Neque putandum est, aut voluntatem, aut sapientiam, aut facultatem Deo defuisse, quo minus nobis ad cum finem optimam atque accommodatissimam regulam diuina sua prouidentia pararet. At Scriptura sacra sic omnino composita est, vt experientia etiam doceat, eam per se solam non tam regulam accommodatam esse ad declinandos omnes errores, quam arcano Dei iudicio esse velut lapidem offensionis, & intentionem (vt Sapiens de Dei creaturis inquit) pedibus insipientium, vt qui velint ea sola niti facilimè impingant & errant. Vnde enim ylli errores existunt nisi de Scripturis malè intellectis? Aut qui fieri potest, vt quæ doctrina tam facile ab hominibus adulteratur, vt in patrocinium omniū errorum aduocetur, eadem sit accommodatissima appositissimaq; regula ad reiiciendum omnes omnino errores? Non magis hoc certè stare potest, quam si quis diceret, illud esse accommodatissimum remedium ad recte videndum, ex quo accideret omnes cæcutire quicunque fierent cæci.

Quod enim dicunt Sectarij, id hominum culpa ac peruersitate, nō Scripturæ vitio, accidere: nos etiam fatemur. Sed considerandum est, hoc ipsum quidem præuidisse Deum: nempe vitio huminum fuisse futurum, vt quicunque forent hæretici, ij omnes Scripturæ prætextu facile vterentur ad confirmandum errorem. Ita cùm non sit yllum dubiū, quin Deus in negotio fidei de optima & accommodatissima ad hominum naturam regula prospectum esse voluerit: profectò est dementia arbitra-

*Non posse Scri-  
pturā esse suffi-  
cientem regulā  
fides, cum facil-  
limum sit illa  
abusi ad erro-  
res.  
Sap. 14.*

*Ipsimet se re-  
uincunt Secta-  
rij cùm respon-  
dent hominum  
errofieri, &  
Scriptura præ-  
beat occasione  
errandi.*

ri, non aliam esse eiusmodi fidei regulam, nisi Scriptu-  
ram. Omnes enim heretici, inquit D. Augustinus, qui Scrip-  
tu-  
ras in auctoritate recipiunt, ipsas sibi videntur sectari, cum  
suos potius sectentur errores. Et alio in loco: Neque enim, in-

*Epist. 222. ad  
Consentium.*

*Tract. 18. in  
Ioan.*

**NOTA.**

*Lib. 2. de nu-  
ptiis & cōcup.  
cap. 31.*

*¶ Circa illius  
lib. medium.*

*Matth. 7.*

quit, natae sunt hereses, & quædam dogmata peruersatis illa-  
queantia animas, nisi dum Scriptura bona intelliguntur non be-  
nè: & quod in eis non benè intelligitur etiam temerè & audacter  
asseritur. Hæc ille. Et obseruatione dignum est, quod

idem Augustinus alibi verissimè scribit, non modò locos  
Scripturæ obscuros, sed etiam eos qui sunt aperti & clari  
corrumphi ab hereticis. Non est mirum, inquit, si Pelagian  
dicta nostra in sensus, quos volunt, detorquere conantur, quan-  
doquidem de Scripturis sanctis, NON ubi OBSCVR E aliqdiddi-  
ctum est, sed ubi CLARA & APERTA sunt testimonia id facte  
confueuerunt, more quidem HÆRETICORVM etiam cater-  
rum. Quam ob rem & Tertullianus in præscriptionibus

aduersus hereticos ita scriptum reliquit: Non ergo, inquit,  
ad Scripturas prouocandum est; nec in his constituendum certa-  
men, quibus aut nulla aut incerta victoria est, aut parum certa.

Neque Augustini modò, & Tertulliani, aliorumque  
Patrum ea de hereticis sententia est, sed Christus etiam  
facillimè ab illis doctrinam corrumpi subindicauit, cum  
admonuit, ut ab iis tanquam à falsis Prophetis, cauere-  
mus. Nam idè falsi Prophetæ à Christo sunt dicti, quia  
cum Prophetæ, id est, interpres diuinæ sententiae, pro-  
pter externam diuinæ doctrinæ quasi speciem, verisimili-  
ter videantur: minimè tamen Prophetæ sunt. Videntur  
Prophetæ: quoniam Scripturæ verba proferunt, quæ di-  
uinæ doctrinæ sunt character & quasi externa species. Sed  
Prophetæ non sunt: quoniam sub ea verborum diuinorum  
externa specie non ostendunt nobis genuinam Spi-  
ritus sancti sententiam, sed adulterinas suas peruersasq[ue]  
opinio-

opiniones sacrilegè in verbis sacris à se collocatas tanquam abominationem (vt eleganter Origenes notauit) stan-tem in loco sancto. Quod ipsum appellatione quoque lupo-  
rum rapacium, qui vestimentis induiti sint ouium, Christus nobis declarauit. Nam quanam istæ sunt pelles ouium (inquit Tertullianus) nisi nominis Christiani (& Scripturæ) extrinsecus superficies? Qui lupi rapaces, nisi sensus & spiritus subdoli, ad infestandum gregem Christi intrinsecus delitescen-tes? Qui pseudoprophetæ nisi falsi prædicatores, &c. Quem Tertulliani locum pulchrè quoque Vincentius Lyrinen-sis imitatus & prosequutus est. Atque etiam huc perti-net quod elegantissimè hic ipse Lyrensis dicit, vbiique hæreticos Scripturæ verbis opiniones suas tanquam quo-dam aromate aspergere ne fætorem exhalent. Quæ quidem idèo recitaui, vt quoniā vniuersi hæretici facilimè Scri-pturas omnes in suam perditionem, sicut D. Petrus inquit,  
2 Pet. 2. depravant: intelligamus certè, non in Scripturis solis vniuersalem illam & ad hominum salutem accommodatissimam totius fidei regulam, quam inquirimus, diuini-tus constitutam esse.

**Q**UARTÒ. Quomodo posset stare ea Respublica in  
qua scriptis tantum legibus ita caussas politicas  
dijudicari oporteret, vt priuato cuilibet atque a deo ipsi  
etiam reo esset integrum ad Scriptarum legum normam  
iudicia quæcunque exigere, nec prius acquiescere, quām  
ipse persuaderet sibi cum legum sententia congruere  
controversiæ definitionem? An esset vñquam in illa Re-  
publica controversiarum exitus aliquis futurus? Quilibet  
certè in suo sensu abundaret & vim faceret legibus, vt  
cas ad suam mentem & caussam quoquo modo inflæcte-  
ret. Itaque, vt ea perturbatio & confusio tolleretur, om-  
nes intelligunt necesse fuisse Magistratus tanquam iusti-

Homil. 29. in  
Matth.  
Matth. 7.

Lib. de præ-  
script. hæretic.  
non longè ab  
initio.

Lib. contra  
profanas hæ-  
reticorum nouit.

P                   tiæ

Lib. 5. eth. ca. 5.

*Non est Ecclesia recte constituta sola scriptura quae fides definiroporteret.*  
Eph. 5.

tia normam animatam, ut Aristoteles inquit, in populis existare, atque etiam aliquam auctoritatem parem ipsi legibus, cuius sit summa potestas iudicandi finemque omnino imponendi litibus. Num vero censemus rationem iudicandi fidei causas minus apte in Ecclesia diuinitus esse constitutam, quam sit ratio in Rebus publicis dirimendi controversias politicas? Non est id quidem villo modo credibile. Nam dilexit Christus Ecclesiam, nec facultas aut sapientia illi defuit, quo minus optima ratione eius statum constitueret. Quam ob rem, ut finis facile esse posset controversiarum de doctrina fidei; praeter auctoritatem, quae est in Scripturis Canonicis infallibilis, aliam aliquam procul dubio infallibilem item auctoritatem eamque animatam in Ecclesia Deus esse voluit, cui debeant omnes in iudicio fidei parere, licet ipsi non penitus etiam videant quemadmodum ea auctoritas convenienter Scripturæ iudicet.

## PROBATIO V.

2. Pet. I.

*D. Petri testimonio probatur, nullū Scripturae privatū studium sine magisterio alterius infallibilis regulis sufficiente & certa Scriptura sententia de controversia fidei cognoscē posse.*

**Q**VINTO. Cum tam serio ac grauiter admonuit Beatus Petrus, ut hoc in primis sciremus, quod omnis inquit, prophetia Scripturæ, propria interpretatione non sit obsecro, quid significare voluit? An tantum ut non putet aliquis esse sibi unum aut alterum Scripturæ locum ingenio proprio, non consultis & collatis aliis Scripturæ locis intelligendum? At hoc quis omnino haeticorum putat? Quid opus erat hoc tam serio admonere? Item, si unum aut alterum locum Scripturæ, ingenio sensuque proprio interpretari non licet: quanto minus licebit, interpretari proprio sensu atque auctoritate locos Scripturæ plures, inter quos collatio instituitur? Quid ergo illud est, quod Diuus Petrus vult? Videamus quomodo loquitur. OMNIS, inquit, prophetia Scripturæ, &c. Non dicit, Hæc, aut illa tantum: sed absolute ac sineulla exceptione,

ptione, omnis prophetia Scriptura, propriis interpretatione non fit. Hæc igitur vis atque sententia huius Apostolicæ motionis est: Neminem priuato suo labore atque proprio studio, quacunque demum ratione, atque adeò etiam ne ex ipsa quidem Scriptura doctrinam Scripturæ certò ac infallibiliter in controversiis quæstionibus intelligere posse: sed opus esse, ut discat ex aliqua alia auctoritate in Ecclesia communi, per quam Spiritus sanctus communiter loquatur ac omnes doceat. Nam, ut ipse Apostolus ibidem subiungit, quemadmodum *non auctoritate humana, sed diuina loqui in Scripturis sunt sancti Dei homines*: ita etiam non humana ac propria industria huius vel illius hominis, vlo modo, ne ex ipsa quidem Scriptura, sententia Scripturæ certò cognoscenda est, sed ex aliqua auctoritate, item diuina, per quam ipse Spiritus sanctus, qui Scripturæ auctor est, sit etiam certissimus Scripturæ interpres. Ita fit, ut sola Scriptura non sufficiat nobis ad certò diiudicandas fidei quæstiones.

Atque etiam hinc intelligitur, quemadmodum ex mente atque sententia planè ipsius D. Petri, suprà exposuimus, quod ille hoc in loco dixerat, Scripturam quasi lucernam quandam esse, cui lucenti in caliginoso loco benè faceremus attendentes. Docuimus enim, Scripturam quidem lucernam per se esse: sed eam tamen non modio proprij iudicij comprehensam, sed in auctoritate Ecclesiæ tanquam in candelabro constitutam, illuminare nos posse. Quod, ut D. Petrus doceret; statim ac dixerat Scripturam esse lucernam, subiunxit admonitionem, ne quis hoc ita intelligeret quasi illuminaret ea etiam secundum propriam alicuius interpretationem, valeret que proinde ipsa sola ad terminandas fiduci quæstiones sine communi & certa alia regula.

SEXTÒ.

Probationes.

PROBATIO  
VI.

*Aequè probari  
potest Deum nō  
docere per solam  
Scripturam atque  
non docere per seipsum fo-  
lum sine huma-  
no vlo me-  
dio.*

I. Cor. 12.

NOTA.

**S**EXTÒ. Potest huc etiam illa forma argumentandi rectissimè accommodari, qua suprà sumus vñsi, vt probaremus, Deum per se solum sine vlo alio medio non docere. Nam abiis etiam, qui afferunt, per Scripturam solam Deum omnes ac singulos de rebus fidei sufficienter docere: quærendum est, vtr modo id Deus faciat? Nunquid ita omnes ac singulos Deus per solam Scripturam docet, vt nequeant omnino ipsi falli dum iudicant se aliquid in fidei quæstionibus didicisse ex Scriptura diuinitus? An verò ita, vt permittat eos in eiusmodi iudicio quandoque falli? Primum dici non potest. Nam, vt suprà quoque ex Apostoli sententiâ dicebamus, oportet heresēs esse, & fuerunt ferè omni seculo ac sunt iam, ob Scripturam falsò intellectam, plures etiam quām oporteret. Quod si Deus illo altero modo per Scripturam solam docet; permittendo videlicet, vt homines falsò putent, se ex Scriptura didicisse id, quod Scripturæ est contrarium: non magis isto modo consuluisset saluti hominum, quām si ipse solus perse sine omni medio doceret. Nam cùm Scriptura nec linguam, vt sese ipsa sonora voce declarat, habeat, & præterea difficultis, vt euidenter suprà ostendimus, atque obscura nobis sit: aequè ferè facilè decipi possumus in existimando nos aliquid ex Scriptura didicisse, atque in iudicando nos didicisse si ne vlo medio ex ipsomet Deo: vt plus etiam satis hereticorum omnium exemplo, tam facilè ad errores suos Scriptura abutentium, comprobatur. Quemadmodum igitur propter eiusmodi facilitatem errand in non esset satis hominibus prospectum, si absque medio Deus doceret: ita neque si doceret per solam Scripturam absque alia quadam auctoritate administra, quæ viuat & loquaciter ipsa possit, ne quis in eius sententia percipienda facile decipiatur.

Atque

ATQVE iisdem fermè argumentis efficitur, neque solam traditionem viuæ vocis eorum, qui olim vita defuncti sunt, esse regulam sufficientem fidei, qua valeat per se sine alia aliqua infallibili ac præsente auctoritate omnes omnino definire fidei quæstiones. Nam primùm, sicut de auctoritate ipsius Scripturæ necesse est per aliquam aliam certam regulam constare, ita etiam de auctoritate traditionis, si ea quoq; reuocetur in dubium. Non enim traditio loquitur etiam ipsa clare & perspicue de fide: ut neque ipsa Scriptura. Deinde cùm traditio scriptis ferè doctorum Orthodoxorum in Ecclesia cōseruetur: quæstiones ac dubia moueri possunt de sensu illius, sicut dubitatur sèpè de sensu ac mente doctorum. Eiusmodi autem quæstiones, cùm erunt ortæ post traditionem; quæ semel tantum, vt ita dicam, loquuta est, neque præterea amplius loquitur; certè per eandem ipsam traditionem definiti non poterunt. Postremò multæ in Ecclesia variis temporibus definitæ ac declaratae sunt sententiæ fidei, & deinceps similiter, motis controversiis, definiti possent, de quibus antè non fuerit usque adeò expressa traditio.

Quod si igitur aliquam humanam auctoritatem diuina assentientia infallibilem, magistram ac iudicem, in omnibus quæstionibus fidei, exstare necesse est, vt superius probauimus: neque verò ea est illorum hominum propria, qui olim diuinam doctrinam aut verbo, aut scripto tradiderunt, & vita defuncti sunt, vt iam etiam probatum est; restat, vt viuat hæc auctoritas successione semper inter fideles presens, quemadmodum in assertione nostra posuimus. Atq; hoc in loco velim, vt ij, qui scitis hodie addicti sunt, incipient secum perpedere, quanto perè à recta fide aberrent: si quidem eam discere no-

Nec præterita  
aliquam traditio-  
nem sine præ-  
sentis auctorita-  
te iudicem esse  
sufficientem om-  
niū controver-  
starū fides.  
Id probatur.

2.

3.

Concluditur ex  
dicto aliquam  
auctoritatem  
in Ecclesia præ-  
sentem esse su-  
dicem fides.

Iunt ex aliqua auctoritate præsente: cuius tamen solius  
ut probatum est, absoluta & plena potestas est de omni-  
bus fidei quæstionibus iudicandi. Sed progrediamur ad  
reliqua.



## *ANALYSIS*

# *FIDEI CATHO-* *LICAE, &c.*

*PARS SEXTA.*

*CVM AVCTORITAS*  
*ILLA, MAGISTRA FIDEI, APVD*  
*ipsoſ Christi fideles perpetuò vigeat; non alibi*  
*vel quare debet vel inueniri potest, niſi apud veram Christi Ec-*  
*clesiam, hoc eſt, apud congregationem verè fidelium. Ea verò*  
*congregatio non alia eſt quam cætus eorum, qui Ro-*  
*mano Pontifici pro tempore exi-*  
*ſenti parent.*



**V**OID illa auctoritas, cuius eft  
omne fidei iudicium, in Ecclesia vera  
Christi fidelium querenda fit, nec alibi  
inueniri poſſit: id verò probatione noua  
nihil indiget. Nam si tota ciuſmodi au-  
toritas ad uſum & ſalutem Christi fidelium eft diuinitus  
inſtituta, viuitque ut probatum eft ſemper, ac pŕefto in  
omnibus fidei quæſtionibus adeſt: fruſtra niſi inter fideles  
ipſos, atq; adeò in Ecclesia quereretur. Sed ut illam de-  
mum